



20 19 йил “1” 05

№ 08-228

«    »      20      год

**Ўзбекистон Республикаси Вазирлар Маҳкамасининг 2019 йил  
16 апрелдаги 1-сон йиғилиш баёни ижроси тўғрисида**

Ўзбекистон Республикаси Вазирлар Маҳкамасининг 2019 йил 16 апрелдаги Ўзбекистон Республикаси олий таълим муассасалари фаолиятини янада такомиллаштиришга бағишланган 1-сон йиғилиш баёнида белгиланган вазифалар ижросини таъминлаш мақсадида

**Б У Ю Р А М А Н:**

1. Ўзбекистон Республикаси Вазирлар Маҳкамасининг 2019 йил 16 апрелдаги 1-сон йиғилиш баёни ҳамда Ўзбекистон Республикаси олий ва ўрта махсус таълим вазирининг 2019 йил 24 апрелдаги 372-сон буйруғи маълумот ва ижро учун қабул қилинсин.

2. Ўзбекистон Республикаси Президентининг 2017 йил 28 апрелдаги “Тошкент давлат юридик университетида кадрлар тайёрлаш тизимини тубдан такомиллаштириш ва самарадорлигини ошириш чора-тадбирлари тўғрисида”ги ПҚ–2932-сон қарори билан Тошкент давлат юридик университетининг Васийлик кенгаши таркиби тасдиқланганлиги инобатга олинсин.

**3. Проректорлар ва курс деканлари:**

малакали кадрларга эҳтиёж мавжуд соҳалар учун кадрлар тайёрлаш йўлга қўйилган янги бакалаврият таълим йўналишлари ҳамда магистратура мутахассисликларининг фан дастурлари ва ўқув режаларини иш берувчи ташкилотларнинг малакали ходимлари ва хорижий ҳамкор олий таълим муассасалари профессор-ўқитувчилари салоҳиятидан фойдаланган ҳолда тайёрласин ва амалиётга жорий этиш чораларини кўрсин;

фан дастурлари бакалаврият таълим йўналишлари ҳамда магистратура мутахассисликлари хусусиятидан келиб чиққан ҳолда тайёрланишини таъминлаш мақсадида ўқув режаларидаги барча фанлардан ўқув дастурларини тайёрлашда мутахассислик кафедралари масъулиятини оширсин;



республика олий таълим муассасалари ва жаҳоннинг ривожланган мамлакатлари йирик олий таълим муассасалари ўртасидаги ҳамкорликни кенгайтириш, замонавий бакалаврият таълим йўналишларида янги қўшма дастурларни йўлга қўйиш орқали тажриба алмашиш жараёнини янги сифат босқичига олиб чиқиш чораларини кўриб борсин;

талабаларни танлаган касбига садоқатли, фаол фуқаролик позициясига эга бўлган, стратегик фикрлайдиган ва юқори компетентли шахс сифатида шакллантиришга қаратилган мақсадли тарбиявий таъсирнинг босқичлараро тақсимотини жорий этсин.

4. Ўқув-услубий бошқарма (Э.Шерматов) мазкур буйруқдан хизмат фаолиятини ташкил этиш жараёнида фойдалансин.

5. Мазкур буйруқ бажарилишини назорат қилишни ўз зиммамда қолдираман.

Адлия вазири  
Ўринбосари – ректор



Е.Канъязов